

Terra Celta

Longhi l'anni ch'è si n'era partuta la musa
Viaghjendu per lochi luntani assai
Ma bastò quell' arietta di caramusa
Per ch'ella volti più bella chè mai
Musica surella di Brittania a Gaella
Un giardinu ch'ùn pianta mai di fiurì
Corsa ferma a mio scelta, ma ti vulia d'ì
Terra celta maga quante tù s'ì

Mi ramentu quest'ore, ghjunghjia l'albore
A ricercà meraviglie piattate
M'hà guidatu Merlinu l'incantadore
Per a furesta à u ballu di e fate
Chjerchji di stantari, maestosi altari
A 'ssi dii antichi ch'è camponu qu'ì
Corsa ferma a mio scelta, ma ti vulia d'ì
Terra celta strana quante tù s'ì

Zilifrina ghjunta d'e culline d'Irlanda
Mi murmucinò millaie di fole
Si strapponu tandu e nebbie sopr'à Brocelianda
Svilendu i fulletti fughjendu u sole
Bevii à a fontana di a fata Morgana
Sete ormai ùn vulerà più fin'ì
Corsa ferma a mio scelta, ma ti vulia d'ì
Terra celta bella quante tù s'ì

Temu quelle stonde di lascià le to sponde
Pena ch'è si sola à pudè guarri
Corsa ferma a mio scelta, ma ti vulia d'ì
Terra celta cara quante tù s'ì